



Bou ons kinders vir môre

Sondagskool 3

Lestitel: Jesus was die voete van die dissipels

'n Ouerhandleiding

Sondagskooltuisonderrig



Liewe Ouer

Welkom by die les “**Jesus was die voete van die dissipels**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus was die voete van die dissipels
Bybelwoord	Johannes 13 : 1-17
Lesdoelwit	Vandag gaan ons leer hoe nederig Jesus was en hoeveel hy vir sy dissipels omgee het. Ons kan soveel by Jesus leer.

Lesopsomming:

Jesus en sy dissipels het gereed gemaak vir die Pasga-fees. Terwyl hulle aandete geëet het, het Jesus baie dinge in gedagte gehad. Hy het geweet dat God 'n plan het en alles onder beheer het.

Na die ete het Hy opgestaan, water gekry en die voete van die dissipels begin was. Petrus sê vir Hom: "Here, gaan U my voete was? Jesus antwoord: Wat Ek doen begrip jy nou nie, maar jy sal dit hierna verstaan. Petrus sê vir Hom: U sal my voete in der ewigheid nie was nie!

Jesus antwoord hom: As Ek jou nie was nie het jy geen deel aan My nie. Simon Petrus sê vir Hom: Here, nie net my voete nie, maar ook die hande en die hoof."

Toe Hy klaar was met hul voete, het hy na die tafel teruggekeer en gevra: "Verstaan julle wat ek aan julle gedoen het? Julle noem My Meester en Here, en julle is reg, want Ek is dit.

As Ek dan, die Here en die Meester julle voete gewas het, is julle ook verplig om mekaar se voete te was. Want Ek het julle 'n voorbeeld gegee om, net soos Ek aan julle gedoen het, ook so te doen. Voorwaar, voorwaar Ek sê vir julle, 'n dienskneg is nie groter as sy heer nie, en 'n gesant is ook nie groter as die een wat hom gestuur het nie. As julle hierdie dinge weet, salig is julle as julle dit doen."



Wat beteken hierdie les vandag vir ons?

Wat wil die les ons leer?

- Net diensknegte het destyds mense se voete gewas en Jesus is God se kind en Hy was die leier van die dissipels! 'n Leier behoort niemand se voete te was nie. Maar Jesus het dit gedoen om 'n les te leer.
- Ons moet mense altyd help. Almal moet 'n dienskneg wees wat dien en mense rondom hulle help.
- Jesus was die grootste persoon wat ooit geleef het en Hy was nie te hoogmoedig om sy dissipels se voete te was nie. Nou, ons was nie gereeld mense se voete nie, maar op watter ander maniere kan ons die mense in ons lewe help?
- Jesus is ons voorbeeld. Ons kan soveel by Hom leer:
- Ons moet ander liefhê, ons moet ander dien, ons moet ander help en ons moet nederig wees.

Sommige vrae wat ons kan vra:

- Kan jy jou voorstel wat die dissipels moes gedink het toe Jesus hul voete begin was?

Antwoord: Die dissipels moes seker verward gewees het en miskien 'n bietjie verleë gewees het. Ons kan ook 'n voorbeeld gebruik van 'n onderwyser wat die kinders se voete wil was sodat die kinders kan sê hoe hulle sou voel.

- Terwyl ons nie ander mense se voete hoef te was nie, wat kan ons doen om ander te dien?

Antwoord: Ons kan altyd vir ander bid. Ons kan gehoorsaam wees aan ons ouers. Ons kan ander mense in nood help deur vir hulle kos of klere te gee waar ons kan.

- Hoe kan ons meer nederig wees?

Antwoord: Ons kan tot God bid om ons nederig te maak. Ons kan by Jesus leer. Ons kan onthou dat ons Kinders van God is en dat Hy ons nodig het om sy mense te help. Dit maak ons nederig om te besef dat God ons gevra het om te help.



'n Gebed vir Pappa en Mamma om voor die les te bid:

Liewe God, baie dankie vir hierdie dag
Seën alle ouers en kinders
Mag ons u teenwoordigheid aanvoel
Seën die les wat ons gaan hê
Leer ons hoe om U te dien
En help ons om u wil te doen
Sodat ons nader aan U kan groei
Stuur Jesus om ons te kom haal
En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.
Laat ons almal lekker slaap en gee môre weer 'n pragtige dag.
Help my asseblief op skool en dat ek goed met my vriende oor die weg sal kom en nie met hulle sal baklei nie.
Wees altyd met mamma en pappa.
Seën ons stamapostel, apostels en al ons diensknegte en beskerm hulle op hul reise.
Help al u kinders, veral die siekes. Kom gou en neem ons almal huis toe. In Jesusnaam. Amen.